

『日本靈異記』上 僧憶持心經得現報示奇事緣 第十四

积**義覺**者、本百濟人也、其国破時、当後岡本宮御宇天皇之代、入我聖朝、住難破百濟寺矣、法師身長七尺、広学仏教、念誦心波若經、時有同寺僧慧義、独以夜半出行、因見室中、光明照耀、僧乃怪之、竊穿牖紙、窺看法師、端坐誦經、光從口出、僧以驚悚、明日悔過、周告大衆、時**覺法師**、語弟子言、一夕誦心經、一百遍許、然後開目、觀其室裏、四壁穿通、庭中顯見、吾於是生希有之想、從室而出、迴瞻院內、還來見室、壁戶皆閉、即外復誦心經、開通如前、即是心波若經不思議也、贊曰、大哉积子、多聞弘教、閉居誦經、心廓融達、所現玄寂、焉為動揺、室壁開通、光明顯耀、